


Un hecho historico pa nos pais

Material Arqueologico di Aruba a bin back cas despues di 80 aña na Antiyas



ORANJESTAD (AAN) - Ayera mainta a tuma lugar den e sala di conferencia di Departamento di Relacionnan Exterior, un conferencia di prensa relaciona cu e traspaso oficial di e coleccion arqueologico for di Curacao pa Museo Arqueologico di Aruba. A hiba palabra na prome



lugar señor Frank Croes, director di Instituto di Cultura, drs. Ieteke (Inchi) Witteveen, director di Museo Nacional Arqueologico y Antropológico di Antiyas, y señor Raymundo Dijkhoff,

Arqueologo di Museo Arqueologico Aruba. Director di Instituto di Cultura a splica cu e rueda di prensa a ser convoca pa pasa informacion tocante un acto historico cu a tuma lugar recientemente, unda

cu materialnan arqueologico di Aruba, cu pa 80 aña tabata den poder di e Museo Nacional Arqueologico y Antropológico di Antiyas, por fin a regresa cas.

"Esaki tabata danki na un esfuerzo grandi di parti di Museo Arqueologico Arubano cu un proyecto cu a inicia a base di un vision di e persona cu e tempo ey tabata encarga tanto di ICA como di nos Museo Arqueologico, cu ta señor

Evelino Fingal, cu awe nos ta mira fruto di e vision aki cu a ser guia e ultimo añanan door di e team di MAA.

Den esaki ya caba nos ta mira cu e esfuerzo haci ta cuminda duna su fruto ora cu nos ta akinan pa informa pueblo di Aruba, tocante e binimento back di materialnan historico arqueologico di nos pais", director di ICA, sr. Frank Croes a duna di conoce.